


$$526(474)^2$$

AD ANNVM MDCCXLIV - XLVI.



CLASSIS SECVNDA.

CONTINENS

PHYSICA.

B b 3

ANI-

DE ELECTRICITATE IN CORPORIBVS PRODVNCENDA NOVA TEN- TAMINA.

AVCTORE
G. W. Richmann.

I.

Iam diu notum est arte in corporibus produci posse proprietatem, vel si dicere mauis, vim, virtutem quae alia leniora corpuscula distantia, vel maiora pendula et aequilibrata attrahere et repellere etiam saepius valent, simulque in tenebris et crepusculo admotis corporibus, hac virtute non imbutis facile tamen illa imbuendis, lucent, ignemque sistunt, qui tandem materiis inflammabilibus accendendis aptus observatus est. Hanc virtutem electricitatem appellant philosophi, et est vel originaria, quae solo tritu corporum certorum solidorum, e. g. vitri, resinae, sulphuris, laccae sigillatoriae produci potest, vel derivatiua, quae a corporibus electricitate originaria donatis propagatur e. g. in metalla, corpus animale, aquam, glaciem, ligna, plantas etc. Resina vero, Sulphur, Colophonium, Lacca sigillatoria sola frigesactione post fusionem adipiscuntur virtutem attrahendi corpuscula leniora et si defendantur ab humiditate aeris per annua spatia conseruant. Derivatiuae vero electricitatis minimo gradu capacia corpora, non solum sunt omnia ea, quae electricitatem originariam admittunt,

P p 2

sed

sed et ea, quae eam, quia tritu emolliuntur, non admittunt, simulque a corporibus originaria electricitate donatis electricitate imbui sensibilibus haud possunt e. g. sebum.

§. 2. Occupatus instituendis et imitandis experimentis de hac dicta proprietate corporum offendi

1) Quaedam phaenomena, quae ab autoribus, qui de electricitate varia annotarunt et inuestigauerunt, non observata inueni.

2) Nouam methodum commode instituendi experimenta et examinandi corpora, quae originariae et alia, quae deriuatiuae electricitatis solum capacia sunt.

3) Sub mensuram etiam aliquatenus productam electricitatem reuocare annis sum.

Haec qualiacunque tentamina cum societate communicare animus est.

§. 3. Primo ea experimenta imitari consultum duxi, quae admirationem orbis eruditi non solum, sed et principum personarum meruerunt, e. g. illud, quo ex metallis et homine ignis et lux concrepans elicitur, quo spiritus vini calefactus accenditur; quod cum feliciter perfecero, simulque ex aqua et nix et glacie eundem ignem cum concrepatione coniunctum elicerem, etiam alia, quae licet non ita in admirationem rapiunt obseruatorem, fortassis tamen plus faciunt ad doctrinam de electricitate amplificandam et explicandam institui optimo cum successu.

§. 4. Mensis Februarii huius anni 1745 initio tentaminum initium feci in domo lignea et primo usus sum tubis vitreis ad excitandam electricitatem, manibus vero et brachiis frequenti tuborum tritu languescens et dolentibus, sedulo cogitavi, qua ratione Machina electrica
quam

quam Grauesande in Elem. physices mathematicis describit sic instrui posset, vt illa commode vti valerem. Quia conclaue, quo instituere volebam experimenta, cellae imminebat, sphaera per machinam celeriter circumgirata, concutiebantur ferme omnia supellectilia, quin ipsi parietes lignei domus, et resina, qua axes firmati erant, incalcescentibus celeri motu axibus, mollis reddebatur, vt possit situm mutarent et motus oriretur vacillans, electricitati, vt quidam asserunt noxius e. g. Clarif. Bosè in Commentariis de electricitate. In machina electrica id mihi etiam eximiam molestiam creabat, quod saepius cogebat funes detritos et laceratos mutare, vel laxatos arctius ligare, quod dimidiae horae labor erat. Omnibus his in commodis medelam asserre volebam. Paucis enarrabo, quomodo machinam vsui accommodauerim. Loco funis 10. pedum Lond. rotam circumdantis, elegi finem 28. ped. qui ferme ter diutius in aequali motu durare debet, duxi illum circa axin sphaerae vitreae, rotam machinae et trochleam, extrema filo lineo bene ligavi. Trochleam vero cum alio fine iunxi et deinde adduxi finem, et firmaui circa clauum robustum ferreum immobilem. Cum sphaeram circumnagerem, rota in duobus minutis secundis semel circumacta, sphaera duodecim vicibus circumibat. Hanc celeritatem obseruaui sufficere experimentis, sphaeramque sine concussione machinae circa axin sine motu nimium vacillante ferri. Postquam hoc animaduertissem tubos vitreos plane neglexi et experimenta cum tubo vitreo moleste instituta, machina dicta repetii felicissime et alia multa addidi.

§. 5. Antequam vero experimenta instituta enarro, sequentibus describam totum apparatusum ex quo methodus ea instituendi, quam adhibui, patebit.

Tab. VI.

1) A machina Grauesandiana A filum ferreum 24. ped. Lond. B. C. D. E. F fulcitum similibus ex serico coerulei coloris, B a, C b, D c, E d, duxi et coniunxi cum fulcimento ferreo G, et ex filo ferreo B, C, D, E, F appendi filum ferreum incurvatum, sphaeram cum connexo litere tangens et eam circumactam radens e f.

2) Fulcimentum ferreum G, erat in resina positum, qua vas conicum H factum erat simulque externa vasis superficies resina obducta. Minima ferri electrificandi distantia a parietibus vasis ligneis erat unius dig. Lond. et dimidii.

3) Cum Fulcimento ferreo G, cuius pondus erat 20. libr. Russ. coniunxi regulam ferream I K $\frac{1}{2}$ libr. Russ. mediante fune, ut extremitas K, a fulcimento ferreo G, distaret 19 $\frac{1}{2}$ poll. Lond. Cum hoc ferro regulam ferream L M ponderis dimidia librae Russ. Longitudinis 20 $\frac{1}{2}$ dig. Lond: in K mediante filo ferreo coniunxi.

4) Prope laminam K ligavi filum lineum K O, longitudinis duorum pedum Londinensium, eius tenuitatis, ut 456. digitos Lond. longum, ponderaret 16. grana, qua propter filum ex lino K O ponderatum exhibere debuit $\frac{1}{3}$ unius grani. Filum dictum hoc ita ligavi, ut incumberet laminae K et penderet in situ cum regula B M parallelo, in distantia $\frac{1}{3}$ dig. a regula L M.

5) Cum mensa in qua vas resina factum collocatum erat coniunxi arcum circuli MOP ligneum 40. graduum. Divisi arcum
hunc

hunc in gradus, et quemlibet gradum in quatuor aequales partes. Extremitas fili linei distabat ab arcu circuli duas lineas.

Fulcimento ferreo G, electricitate donato filum lineum K C propellitur a ferro inprimis regula ferrea L M et ostendit in arcu M O P, gradum, qui si maior est, indicat maiorem electricitatis gradum, nondum vero assero electricitatem hoc indice accurate mensurari posse, nisi perfectior reddatur, et ipsa theoria vorticis electrici amplificetur, ad quam perficiendam initium fecit B. Hauserius in Historia electricitatis.

6) Ex altera parte fulcimenti ferrei G cum fulcimento regulam ferream Q R S ponderis dimidia librae Russ. coniunxi, R. distabat a fulcimento ferreo 15 $\frac{1}{2}$ dig, Lond. et

7) Ex puncto R regulae Q R S filum ferreum coniunxi, cum quo mediante filo lineo malleum ferreum quadrangularem longit: 6 $\frac{1}{2}$ dig. Lond. pond $\frac{1}{2}$ lib. R. ligavi, sic vt extremitas (b) distaret a filo ferreo dimidiam lineam, altera vero incuruata esset planum diagonale versus, Hoc facto

8) In mensa fulcini in distantia semidigiti a malleo ferreo pendulo in sustentaculo vitreo campanam metallicam T, ponderis $\frac{3}{4}$ librae Russ. sic vt malleus *b e* feriens campanam T, eam cum parte, a superiori extremitate quatuor et dimidium dig: distanti tangeret.

9) Aliam campanam V appendi ex regula ferrea Q R S mediante filo ferreo, ponderis dimidia librae Russ. sic, vt tres lineas distaret a baculo quadrangulari.

10) Prope Campanam V ex regula Q R S pendulam alium malleum *f g* similem appendi ex filo ferreo, vt
non.

non connexus esset cum apparatu electrificando, in distantia duarum linearum a campana pendula.

11) Ex medio regulae ferreae QRS appendi ex filo ferreo ferrum *m* ponderis duarum drachmarum, cuius extremitas in sphaericam figuram abibat.

12) Ex parte regulae QRS fulcimento ferreo G propinqua appendi filum ferreum, *hk*, vt cum eo possem sphaeras coniungere corpusculis leuioribus e. g. foliis auri attrahendis et repellendis aptas.

13) Ex fulcimento ferreo duxi filum ferreum 24. pedum Londinensium 1. 2. 3. ad pondera 300. librarum Russ. in resina posita. Filum ferreum BCDEF et 1. 2. 3. ponderatum vnā et dimidiam libram Russ. exhibebat sic vt totus apparatus electrificatus esset fermo 324 librarum Russ. Ponderum ferreorum in resina collocatorum distantia minima a parietibus vasis ligneis erat 2 dig. Lond.

14) Suspendi ex fune serico coerulei coloris Bilancem magnam W cuius pondus erat 12 librarum Russ. finem hunc sericum in distantia vnus pedis cum fune cannabino iunxi, quem super trochleis ad lacunar firmatas, XY duxi et ex extremitate Z appendi pondus aequale ponderi Bilancis. Imminebat bilanx ponderibus ferreis (3) in resina positis. Extremum pondus ferreum erat lamina ferrea Longit. duorum pedum et latitudinis 26 dig. L. crassitiei quatuor linearum. Haec lamina ita fulcita erat, vt ad sensum esset horizontalis.

15) Firmaui ad parietem regulam lineam $\alpha\beta$ prope pondus Z, vt in ea notarem distantiam lancis γ a lamina ferrea.

16) Prope Bilancem et pondera ferrea in resina posita collocaui fulcimentum ligneum, quod ope forcipis cum bilance iungere potui His ordinatis sequentia exprimenta commode instituere licuit.

Experim. I.

§. 6. Si homo resinae insistens ad sphaeram vitream cauam diametri 10 dig. Lond. et cum axibus orichalceis ponderis 9 librarum Russic. per machinam Grauesandianam circumactam adplicat manum, ipse electricatur et per filum BCDEF electricitatem communicat cum toto apparatu electricando in resina collocato. Si homo sic electricatus tangit filum ferreum electricatum BCDEF eiaculatur ignis concrepans vehementissimus die visibilis spiritum vini accendens etc. et index electricitatis recedit et applicat se regulae ferreae pendulae. Homo tali ratione electricatus si tangitur dat ignem concrepantem, vel si tangitur ab alio in resina stante et ex altera parte sphaerae manum adplicante ad sphaeram. *

Experim. II.

Si homo resinae insistens adplicat manum ad sphaeram et altera tenet filum ferreum, cuius altera extremitas tenetur ab homine, stante in resina prope pondera ferrea (3) in resina collocata, et tangente pondera, nulla electricitas oritur, et index semper ostendit gr 0. Nihilque ex toto apparatu electricitate donatum observatur. * Si idem homo iisdem positis circumstantiis non tangit pondera ferrea, homo et pondera electricantur, indexque ad 25. gr. eleuari potest. Si hac electricitate excitata adplicat digi-

Tom. XIV.

Q q

tum

(*) Corpus ergo electricatum agit in electricatum si non connexum est cum altero per corpora deriuatiuae electricitatis.

tum ponderibus electricitate donatis, oritur ignis vehemens concrepans die visibilis et index recedit et adplicat se regulae ferreae pendulae.

Experim. III.

Si homo in resina stans et adplicans manum sphaerae altera manu tenet tubum vitreum *a b*, qui per duo orichalcea prismata *c* et *d* transit, quorum *d* mobile est, et adplicat prisma *d* filo ferreo deriuanti electricitatem, digito prisma *c* tangens electricitateque producta et indice ostendente gradum 25, premit parallelepipedum *d* versus alterum *c* sensim, in distantia quatuor linearum interdum octo oritur scintilla concrepans vehemens et index obseruatur recedere ad gr. 16. obseruatur etiam saepe lux radiata coerulei coloris continuo fluens ex corpore electricato inter prismata, cum stridore et suffuro, odoris, phosphori Brandii similis. Cessante motu rotae, si propinquius redditur prisma *d* prismati *c*, ut distantia sit e. g. trium linearum ferme, iterum oritur scintilla sed imbecillior et index recedit ad minorem gradum e. gr. 7. tandem primate *c* prisma *d* contingente electricitas tota aufertur et index redit ad gr. 0. quin ipsi regulae L M se adplicat. Si cochlea foemina ex metallo ambit cochleam marem ex vitro, ex numero reuolutionum melius distantia indicatur, vel si in propinquitate corporis electricandi sulcitur cochlea foemina, per quam cochlea mas transit, pariter ex numero reuolutionum distantia a corpore electricando innotescit.

Experim.

Experim. IV.

Si positis circumstantiis experim. II. homo in resina iuxta pondera (3) stans, adplicat prisma *d* ad pondera ferrea, electricitate producta et indice ostendente gr. 25. in distantia trium linearum prismatis *c* a prismate *d* oritur scintilla vehemens concrepans et index recedit a 25. gradu ad 18. gr. motu rotæ cessante si propinquius redditur prisma *c* prismati *d* iterum oritur in distantia vnus et dimidia lineae scintilla sed imbecillior, tandem contingentibus se prismatibus, tota electricitas aufertur et index ostendit gr. 0. quin regulæ L M se adplicat.

Experim. V.

Si homo adplicans manum ad sphaeram non insistit resinae sed solo ex asseribus compaginato et electricitas excitatur indicem eleuans ad gr. 25. prismate *d* adplicato ad filum ferreum electricatum ab homine solo ex asseribus compaginato insistenti, et prismate *c* prismati *d* sic appropinquato vt tres tantum lineas distet, oritur scintilla concrepans vehemens et index redit ad gr. 16. Si prisma *c* adhuc propinquius redditur prismati *d* vt 2. lineas distet, oritur iterum scintilla concrepans indice recedente ad gr. minorem e. g. 11. Prismate *c* magis appropinquato prismati *d* oritur scintilla concrepans debilior praecedenti, et index minorem gradum adhuc ostendit e. g. 7. tangentibus vero se mutuo prismatibus *c* et *d* tota electricitas aufertur et index ostendit gradum 0, quin applicat se regulæ ferreae.

Experim. VI.

Si electricitate indicem eleuante ad gr. 25. tangitur filum ferreum ab homine, solo ex asseribus compaginato insistenti, cessat tota electricitas, et index sese adplicat regulae ferreae.

Experim. VII.

Si electricitate indicem eleuante ad 20. gr. tangitur filum ferreum ab homine in resina stante, index adhuc ostendit gr. 10. Si ab alio non stante in resina tangitur tota electricitas aufertur et index ostendit gr. 0. quin sese adplicat regulae ferreae.

Experim. VIII.

Si electricitate indicem eleuante ad gr. 20. prisma *d*. admouetur filo ferreo, electricitato ab homine in resina stante et alterum prisma *c* sensim appropinquatur prismati *d*, in distantia duarum linearum oritur scintilla concrepans et index recedit a gr. 20 ad gr. 16. deinde ne quidem contingentibus sese prismatibus *c* et *d* scintilla oritur, nec index mutatur. Si vero electricitas homini in resina stanti aufertur, denuo adplicans prisma elicit iterum scintillam concrepantem ast debiliorem, prismate *c* a prismate *d* minus distante quam priori casu. Et tali ratione electricitas auferri potest, vt residua non sit sensibilis.

Experim. IX.

Massa 324. librarum electricitata et indice ostendente gr. 20. index primo minuto primo temporis recessit ad gr. 19.

2^{do}

2 ^{do}	min.	pr.	-	-	18 $\frac{1}{2}$
3	-	-	-	-	18
4	-	-	-	-	17
5	-	-	-	-	16 $\frac{1}{2}$
6	-	-	-	-	15 $\frac{1}{4}$
7	-	-	-	-	14
8	-	-	-	-	13 $\frac{1}{2}$
9	-	-	-	-	13
10	-	-	-	-	12
11	-	-	-	-	11 $\frac{1}{2}$
12	-	-	-	-	11
13	-	-	-	-	10 $\frac{1}{2}$
14	-	-	-	-	10
15	-	-	-	-	9 $\frac{1}{4}$
16	-	-	-	-	9
17	-	-	-	-	8 $\frac{1}{2}$
18	-	-	-	-	8
19	-	-	-	-	7 $\frac{3}{4}$
20	-	-	-	-	7
21	-	-	-	-	6 $\frac{1}{2}$
22	-	-	-	-	6
23	-	-	-	-	5 $\frac{1}{2}$
24	-	-	-	-	5 $\frac{1}{4}$
25	-	-	-	-	5
26	-	-	-	-	4 $\frac{1}{2}$
27	-	-	-	-	4 $\frac{1}{4}$
28	-	-	-	-	4 $\frac{1}{8}$
29	-	-	-	-	4
39	-	-	-	-	2 $\frac{1}{4}$
40	-	-	-	-	2

Q q 3

45	-	-	-	-	-	1½
50	-	-	-	-	-	1.

Duravit hinc electricitas, massæ 324. libr. Russ. communicata, a gr. 20. ad gr. 1. per 50. min. pr. et index per gradus ultimos lentius recessit, quam per gradus priores. In palatio imperatorio lapideo electricitas duravit tantum duo minuta prima a gr. 25. ad gr. 1.

Experim. X.

Idem experim. 9. alio tempore institutum est, massâ 324. libr. Russ. electricata et indice ostendente gr. 25. index recessit

5	primis min. prim. ad gradum	15
16	min. prim. - - - - -	8
25	min. prim. - - - - -	5

duravit hic electricitas, massæ 324. libr. Russ. communicata a gr. 25. ad gr. 1. per 25. min. pr. et rursus index per gradus ultimos lentius motus observatus est.

Experim. XI.

Eodem tempore institutum quo præcedens.

Massa 24. libr. Russ. electricata et indice ostendente gr. 25.

5	prim. minutis primis index recessit ad gr.	11½
10	- - - - - ; - - -	4
15	- - - - - - - - -	1.

Ergo si minor massa electricatur electricitas citius cessat s. annihilatur.

Experim. XII.

Massa 24. libr. Russ. electricata et fasciola serica pollicem lata et 3. pollices longa, rubri coloris, firmata

ta ad filum ferreum electrificatum, electricitatis index, manu ad alteram extremitatem fasciolae adplicata recessit per 5. min. prim. a gr. 25. ad gr. 6. Fasciola purpurea, aurantia, violacea, eadem ratione examinata idem observatum est, nimirum indicem a gr. 25. ad gr. 6. 5. minutis primis recessisse. Fasciola alba, coerulea, viridi et flava eadem ratione examinata, 5. minutis primis index a gr. 25. ad gr. 8. recessit. Nigra vero fasciola examinata, 3. minutis primis electricitas prorsus evanuisse observata est. Index per se a gr. 25. ad gr. 6. quinque minutis primis recedebat. Hinc iudicare licet fasciolam ferream nigram unicam derivasse electricitatem sensibilibiter, alias vero non item. Si humectabantur fasciolae statim omnis electricitas adplicata manu cessabat.

Experim. XIII.

Filum lineum candidum humectatum eius tenuitatis ut 24. fila longit: 19. dig. Lond. pondus 16. granorum efficerent, imponebatur ferreo filo et electricitate ad gr. 25. excitata, manus adplicabatur ad filum humidum statim electricitas tota cessavit, nec restitui potuit per continuatum sphaerae motum. Electricitas vero non cessabat, si funis, ex 108. filis talibus compositus siccus ferreo filo imponebatur et manu trahebatur. Cessante tamen sphaerae motu, interuallo vnus minuti primi index a gr. 25. ad gr. 1. recedebat. Hinc iudicare licet funes ex serico, fulciendis corporibus electrificandis, aptiores esse, quam funes ex lino confecti.

Ex-

Experim. XIV.

Omnia corpora humectata, admota manu filo ferreo electrificato, electricitatem statim omnem tollunt, ut index ostendat gr. 0. et sese adplicet regulae ferreae pendulae c. g. etiam sulphur, vitrum, porcellana, resina, lacca sigillatoria, cera, funes ex serico, quae omnia sunt deriuatiuae electricitatis incapacia, si sunt sicca.

Experim. XV.

Si malleus ferreus est pendulus in distantia semidigiti a campana T et electricitas excitatur, ut index ostendat gr. 12. campanarum percussio a malleo incipit et crescente electricitate, percussiones celerius se excipiunt, cessante vero sphaerae motu et electricitate decrescente, percussiones lentius se excipiunt et tandem indice recedente ad gr. 11. campanarum percussiones plane cessant. Si index ostendit gr. 25 - 20. percussiones sunt efficaces, ignis enim concrepans elicitur (1) tam in puncto *e* ubi campana percutitur a malleo, quam 2) in puncto *b*, ubi malleus cum filo ferreo mediante filo lineo coniunctus est, et si multa fila ferrea dicta ratione filo lineo coniuncta sunt, multae stellae lucidae coemleae cernuntur qualibet percussione. 3) in puncto *n*; malleus enim *nb* distributa electricitate sua per campanam T et non electricus redditus vel saltem minus electricus redire debet et percutere etiam campanam electrificatam V cum incuruata extremitate, vnde lux. 4) Malleus *f g* non electricus etiam ferire debet campanam electrificatam V et scintillam concrepantem elicere. Si sphaera adplicata manu continuo circumagitur, continuo cernuntur fulgura in dictis punctis.

Schol.

Schol. Non dubito instrumentum musicum diuersis campanis et malleis rite prope apparatus electrificatum ordinatis, vel cum apparatu connexis, condi posse, quod vi electricitatis animari possit.

Experim. XVI.

Remota campana T et electricitate ad gr. 25. excitata, non excitatur sonitus malleo *b e* et campana V quia ambo haec corpora electricitate aequali sunt donata. Malleus tamen non electrificatus *f g* percutit campanam V et elicit ignem concrepantem.

Experim. XVII.

Si campana T iterum admonetur electricitasque excitatur, campana T quidem vna atque altera vice percutitur a malleo *b e*, ast non continuantur percussiones, licet index ostendat summum electricitatis gradum. Distribuitur electricitas per campanam T ipsam vitreo sustentaculo incumbentem, hinc campana ipsa fit electrica, hinc phaenomenon electricitatis cessare debet. Statim vero, cum admonetur digitus sustentaculo ferreo campanae T, cum vitro coniuncto, sonitus cum concrepatione et luce exoritur. Notandum hic

1) Admoto digito ad sustentaculum ferreum campanae sentiri ictum, indicem electricitatis per campanam distributae et per manum hominis deriuatae in infinite multa corpora.

2) Hoc ipso campanam perdere electricitatem suam et fieri corpus non electrificatum, hinc malleum electrificatum attrahi debere.

Tom. XIV.

R r

Ex-

Experim. XVIII.

Si homo resinae insistsens applicat manum ad sustentaculum ferreum campanae vitro fulcitae diutius campanarum sonitus durat, quam si campana sola T vitro fulcita agit in malleum *b e*, tandem tamen cessat, licet index ostendat gradum electricitatis maiorem 12. gradibus. Si vero tangitur talis homo in resina stans, statim campanarum sonitus producitur. Finitae hinc molis corpus non est aptum ad sonitum campanarum conservandum, infinitae aptissimum, quale est campana connexa cum homine, non stante in materia derivativae electricitatis incapaci, vel cum aliis corporibus derivativae electricitatis, non collocatis in materiis derivativae electricitatis incapacibus.

Experim. XIX.

Corporibus humectatis applicatis ad filum ferreum, campanarum sonitus statim cessat, tollitur enim sic omnis electricitas. Exper. 14.

Experim. XX.

§. 9. Aqua in vase metallico laminae ferreae 3) imposita et sphaera circumacta manu ad sphaeram applicata, digitum appropinquanti superficiei aquae et scintillas elici valde concrepantes ex aqua, easdem etiam ex nive glacie, mercurio viuo, aceto, spiritu vini, lacte, spiritibus acidis produxi etc. de scintillis talibus aquae B. Haussenius dubitat, B. du Fay affirmat. et Clariss. Boscus confirmat et alii.

Ex-

Experim. XXI.

Massam glaciei in orbe stanneo posui et in lamina ferrea 3) collocaui, naphtam deinde albam infudi in cochleare metallicum paruum, calefactum, et electricitate 25. gr. excitata tenui cochleare in distantia digiti a superficie glaciei verticali et accensa est naphtha.

Experim. XXII.

Suffulciui bene cochleare metallicum in lamina ferrea 3) calefactum prius, infudi cochleari naphtam electricitateque 25. gr. excitata, continuataque circumactione sphaerae, appropinquavi massam glaciei, ut distaret a parietibus cochlearis digitum ferme, et accensa est naphtha.

Experim. XXIII.

Spiritum vini calefactum electricitatum, naphtam calefactam, spiritum Forbenii frigidum electricitatos, digito vel metallo non electricitato accendi. Non electricitados accendi cum digito vel metallo electricitato.

Experim. XXIV.

Aquam in patina stannea in mensa sub stilo ferreo *l m* ex regula ferrea Q R S pendente posui, ut superficies aquae distaret 3. circiter lineas, electricitateque excitata observaui aquam eleuari attingentemque ferrum elicere lucem, dein resilire et rursus eleuari et eandem lucem excitari etc. In spiritu vini, mercurio, aceto, spiritu nitri aqua diluto idem observaui, si in aptis vasis stilo ferreo *l m* propinqua erant.

Experim. XXV.

Vas metallicum, laminae ferreae 3. inposui et siphonem aquae in vase stagnanti immersi, et suctione effeci, ut siphon fluere inciperet, electricitate deinde excitata appropinquavi fluentis aquae cursui digitum et aqua cursum mutauit, digitumque versus se dirigens dispergebatur, digito contingente radium aquae, lux coerulea in tenebris obseruabatur in superficie radii sine concrepatione.

Experim. XXVI.

Si admovebam laminae ferreae electricatae 3) baculum ferreum non electricatum, in distantia trium saepius pollicum oriebatur lumen absque sono in extremitate ferri, ferreo baculo sensim propius admoto cum luce hac etiam sibilus vel potius susurrus instar susurri muscarum audiebatur, in distantia trium vel quatuor linearum vero interdum octo ignis concrepans et simul index recedere obseruabatur. Si ergo corpus fulcitur resina altitudinis quinque vel octo linearum et vndique saltem quinque vel octo lineas remotum est a corporibus deriuatiuae electricitatis capacibus, non metuendum est electricitatis decrementum sensibile, quod etiam experientia ipsa me docuit. Quia tamen in distantia trium pollicum a lamina ferrea lux oritur corpore electricitatis deriuatiuae valde capaci, e. g. metallo adpropinquato, cauendum esse videtur, ut ferrum vel aliud metallum, vel aqua homo etc. a corpore electricato tres saltem digitos distet. Hinc consultius esse videtur, si resinae, quae inseruare debet corporibus electrici-

can-

candis fulciendis, altitudo trium minimum digitorum concedatur.

Experim. XXVII.

Stante homine in resina prope pondera 3) iuncto baculo ligneo quatuor pedes longo cum massa ferrea 3), electricitate 25. gr. excitata, et digito homini in resina stanti admoto scintilla concrepans imbecillis orta est indice electricitatis recedente ad gr. 22. reliquus apparatus ergo electricificatus possidebat adhuc gr. electricitatis 22. Si lignum tangebatur manu non electricificata lumen absque sono in tenebris in puncto contactus observabatur sine sensibili indicis recessione. Si lignum humidum adhibetur, ignis concrepans vehemens tacto homine electricificato oritur et electricitas tota subiectu omni apparatus electricificato aufertur. Lignum hinc siccum non est aptum electricitati fortiori deriuandae. Idem in funibus siccis ex lino et cannabinis, in funibus sericis coloratis vero maxime observatur.

Experim. XXVIII.

Phiala vitrea cum collo pedem Lond. et dimidium longo, si in fulcimento ferreo laminae ferreae 3) ponebatur, et deinde electricitas gr. 25. excitabatur, orificio eius admotum ferrum lumen exhibebat cum sono quem aqua edit si coquitur. Post bene exsiccatam phialam neque lumen neque stridor observabatur examine iterum instituto. In vasis metallicis angusti colli idem stridor et eadem lux observatur, ast corpus metallicum 5. vel sex li-

neas a parietibus vasis remotum esse debet ne ignis concipiens excitetur.

Experim. XXIX.

§. 10. Electrificaui 24. libras Russ. vsque dum index electricitatis ostenderet gr. 13. et deinde in resina stans, vt minima distantia extremitatum pedum a parietibus vasis lignei esset vnus digitus, tetigi filum ferreum deriuans electricitatem et recessit index ad gr. 9. Deinde manu a filo ferreo remota tetigi corpus deriuatiue electricitatis infinitae connexionis et postea rursus tetigi filum ferreum et recessit index ad gr. 6. remouii vt prius manum a filo ferreo et tetigi rursus corpus deriuatiue electricitatis infinitae virtutis et rursus adplicaui digitum ad filum ferreum et recessit index ad gr. 3. hoc continuaui, vsque dum index recederet ad gr. 0. et adplicaret se regulae ferreae quod, repetens saepius experimentum, quarto tactu eueniebat.

Schol. Corpus deriuatiue electricitatis infinitae connexionis est mihi corpus deriuatiue electricitatis fortioris connexionum cum aliis deriuatiue electricitatis capacibus in infinitum.

Experim. XXX.

Quadraginta libris Russ. simul resinae impositis repetii experimentum, primo tactu recessit index a gr. 13. ad gr. 8

2°	-	-	-	-	-	-	-	-	-	-	-	5
3°	-	-	-	-	-	-	-	-	-	-	-	2
4	-	-	-	-	-	-	-	-	-	-	-	1
5	-	-	-	-	-	-	-	-	-	-	-	0

Ex-

Experim. XXXI.

Electrificavi. 324. libras Russ. donec index iterum ostenderet gr. 13. similique vt antea ratione procedens, obseruavi

1	tactu	recedere	indicem	ad	gr.	10
2	-	-	-	-	-	8
3	-	-	-	-	-	6
4	-	-	-	-	-	4 ¹ / ₂
5	-	-	-	-	-	2
6	-	-	-	-	-	0

repetii experimentum et recessit index

1	tactu	fili	ferrei	ad	gr.	10
2	-	-	-	-	-	8
3	-	-	-	-	-	6
4	-	-	-	-	-	5
5	-	-	-	-	-	1
6	-	-	-	-	-	0.

et adhaesit regulae ferreae

Experim. XXXII.

Quadraginta libris simul resinae impositis et eas resinae insistens tangens

1	mo	tactu	fili	ferrei	index	recessit	ad	gr.	9
2	-	-	-	-	-	-	-	-	6
3	-	-	-	-	-	-	-	-	4
4	-	-	-	-	-	-	-	-	2
5	-	-	-	-	-	-	-	-	0.

repe-

repetito experimento recessit index

1	tactu fili ferrei ad gradum	10
2	- - - - -	7
3	- - - - -	5
4	- - - - -	3
5	- - - - -	2
6	- - - - -	1
7	- - - - -	0.

repetito eodem experimento recessit index

1	mo tactu ad gr.	- - - - -	10
2	- - - - -	- - - - -	7½
3	- - - - -	- - - - -	5
4	- - - - -	- - - - -	3½
5	- - - - -	- - - - -	2
6	- - - - -	- - - - -	1
7	- - - - -	- - - - -	0.

§. 11. Ex his exper. 29. 30. 31. 32. videre est.

Maiorem massam difficilius eodem corpore applicato perdere electricitatem minorem massam facilius. Quater enim meo corpore applicato i. e. applicatis circiter 640. libris massa electricata 24. libr. perdidit electricitatem. Massa vero 324. libr. electricata perdidit electricitatem sexies applicato meo corpore i. e. 960. libris circiter.

Vt magis utilia fiant talia experimenta corpora regularia sunt adhibenda.

Experim. XXXIII.

§. 12. Si felis in lamina ferrea 3) collocatur et manu tenetur, electricitate producta sentiuntur ictus dolorosi
et

et pulsus animalis etiam fortior et celerior observatur cum insigni impatientia.

Experim. XXXIV.

Si gallus in lamina ferrea electrificatur admoto extremitatibus pedis eius manu exit ignis sibilans coeruleus, saepius lux dilutior longitudinis duorum ferme digitorum.

Experim. XXXV.

Brachio filo ferreo electrificato admoto sentitur ictus per vestimenta nec index statim recedit, quia vestimenta ex lana parata non sunt corpora derivativae electricitatis valde capacia, si vestimenta sunt ex serico et colorata index non mutatur sensibiliter.

Experim. XXXVI.

Capite crinibus gaudente nec glabro filo ferreo electrificato admoto sentiuntur similiter ictus dolorosi.

Schol. In resina altitudinis trium linearum stans et adplicans manum sphaerae electrificatus vt experim. 1. sensu ictus sub planta pedis vix ferendos, hoc vero non semper evenit.

Experim. XXXVII.

Spiritum vini in cochleari admonens corpori electrificato ad accendendum, scintilla eiaculata sensu ictum dolorosum praesertim si cochleare tenerem inter muccinum ex serico. Aliqui asseruerunt se sentire ictum constrictivum per

totam palmam manus, alii per totum brachium. Qui spiritum digito accendit eundem ictum vix ferendum observat.

Experim. XXXVIII.

Si spiritus vel naphtha electrificati accendendi sunt digito non electrificato, idem sentitur ictus.

Experim. XXXIX.

Si prisma circa tubum vitreum mobile (fig.) applicatur ad ferrum electrificatum in dist. duar. lin. et alterum prisma, quod digitus contingit, ab illo remotum est tres lineas et saepius quatuor, et homo tenens prisma electrificatur vt experim. i. oritur ignis concrepans die visibilis, propagatus a prismate *c*, et eiectus ad prisma *d* et inde ad filum ferreum electrificatum BCDEF.

Experim. XXXX.

Si bilanx electrificatur, post filum ferreum (1. 2. 3.) applicatum circa *n*, pondera non electrificata 3) attrahunt lancem ex distantia duorum pollicum, et oritur in lamina ferrea flamma ingens concrepans valde, at cessat phaenomenon continuata electrificatione, massis ferreis ipsis electricitate imbutis, si connectuntur massae ferreae cum corpore derivativae electricitatis infinitae virtutis, continuas attractiones, flammae et concrepationes fiunt.

Experim. XXXXI.

Si pondera ferrea 3) electrificantur filo ferreo (1. 2. 3.) ad pondera ferrea adplicato attrahunt lancem et eadem phaenomena exoriuntur: sed cessant etiam phaenomena, nisi bilanx cum corpore deriuatiuae electricitatis infinitae virtutis connectatur.

Schol. Balance vsus sum etiam ad ponderandam vim electricitatis electricitate enim summa, quam mea sphaera excitare potui eleuari drachmam vnā cum dimidia per duos dig. Lond. sed de experimentis ipsis imposterum.

Experim. XXXXII.

§. 14. Si homo electrificatus distat ab indice ferme 3. pedes Londinenses, index electrificatus fugit hominem, si homo distribuit electricitatem per corpora deriuatiuae electricitatis infinitae virtutis, index electrificatus accedit ad hominem paululum.

Schol. Ne ergo turbetur index ad hoc phaenomenon attendendum est.

Experim. XXXXIII.

Si laminae ferreae 3) tabulam ligneam crassitiei pollicis imponebam et electricitatem in eam deriuabam lanx etiam attrahebatur ex distantia duorum digitorum, sed lux absque sono oriebatur tantum, insignis tamen splendoris,

doris, lanx in contactu manebat cum tabula lignea, et nec sic quidem statim reliquo apparatus electricitatis auferbatur, sed filum ferreum tactum dedit adhuc lucem cum exiguo susurro.